

Zeitschrift: Annalas da la Societad Retorumantscha
Herausgeber: Societad Retorumantscha
Band: 44 (1930)

Artikel: Stratüts dalg cumœn d'engiadina zura
Autor: [s.n.]
DOI: <https://doi.org/10.5169/seals-200775>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 11.08.2025

ETH-Bibliothek Zürich, E-Periodica, <https://www.e-periodica.ch>

STRATÚTS DALG CUMŒN D'ENGIADINA ZURA¹

[Ils fögls 1—21 maunchan.]

(22) sumgiauntamaing ne eir ad hummens dalg cumœn incunter Puschlauins & attais aquaist, chia ne eir els Puschlauins nun conceden als noas appellatiun our da lur cumœn².

Dallas Appellatiuns da las wschinaunchias pitschnas.

Str(atüt) chia innua s' d' chiapes in las Jurisdictiuns pitschnas da las wschinaunchias chia intraunter ün terryr & ün fullastyr gnis agragiô appellatiun alura s[cha] elg ais tael causa l'imurtaunza da I da quella passa rainsschs 5 & 5 schi daia gnir la appellatiun dalla Juridictiun pitschna suot Funtauna Merla consignæda ù Remissa suot ün qualchi Juridictiun pitschna sur funtauna Merla & alg incunter, saluand saimper, la fuorma dalg proassem stratüt.

L's Truduors [sic] & quels chi pertignien tiers lg dret daien esser segrets.

Str(atüt) chia ls' Mastrôs, Truaduors, Nudærs, Mess da saunck & ôters mess, & tuots giürôs da cumœn daien esser segrets & fideils, & nun manifestær lg segret (23) dalla drachüra, ne in ciuil, ne in criminæl, ne dir oura quel Truæder chi hô faurieeu à l'üna ù à l'ôtra part, suot paina, da Rôba & hunur p(er) cuntschintscha d'ün dret.

¹ Siand pers il titul originari, ais el sto reconstruieu.

² Quia seguia üna remarcha da maun pü rezaint: „Quaist cudas auda mai Jon Men Poa Dieu vöglia ch'eu possa.“

Dalla pæia dals Truaduors.

Str(atüt) chia ls' Truaduors dalg Lœ innua chi uain dô dret, poassen pigliær p(er) lur pæia, infina à 5 3, & aquels chi sun extra lg' lœ, dalla Plaiff perô infina 5 10, mû quels chi sun dalg cumœn, na dalla Plaiff infina 5 13 per ün di intyr, & na plü, suot üngiün prætext, Numnædamaing neir Vin our da pæst, ne eir Vin ars, ne ünguotta ôter scha bain las pars s'uessa vulessen dunær & aque ne in causas criminælas ne ciuilas, ne in I Juridictiuns pitschnas ne in grandas, saia chia vignian ilg lœ, ù brichia³ suot paina da libras 100 mezaunas in danærs bluots p(er) scodün mastræl, truaduors chi pigliassen plü kô surscrit ais, & p(er) in münchenia giæda, lg madem s'inclygia eir in causas d'appellatiuns suot la mademma paina.

Accraschieu.

Ais adaumpchiô lg' salari als truaduors argiunschiand 5 2 p(er) scodün di & immünchia truæder, & aquels da seilg & Saluaplauna cura è vaun à Zuotz 5 3. hordinand chia ls' truaduors s'dapoarten sobriè & moderædamaing nun s'inai wriand & che cumpæran saimp(er) à truær tiers tuottas drachüras cun lur arassa suot paina da libras 5. p(er) vouta.

Pæia dals truaduors Curatuotta la drachüra vain insemmel.

(24) Str(atüt) ch(ia) cura la drachüra vain insemmel tuotta, taunt in causas ciuiles kô criminælas sur & suot funtauna Merla schi daia ella hauair lg salari scô seguita: [p]rüm per aquel di che uignien insemmel in lg' lœ che sun banieus hægian pæia per ün di sulettamaing, suainter ch(a) uain dalg stratüt à scodün limitô, & dalg prüm di uschy lœng chia els faun dmura in cugniuoscher alchüna causa hægian dûbla pæia mû lg dauous di chia els dfineschen la causa & æwran sentinzchia poassen pigliær salari dick per ün di, & plü inauaunt nun poassen cundanaer las parts, ne per dischobedientzchia ne cun ôter prætext, in pasts vin ù ôter extraordinari cuosts ma tuot exess vignien laschôs alg Fisck, ordinand chia lg Mastræl dala [sic!] cumœn ne las parts chi

³ Invezza da „ù brichia“ eira scrit „ù na“ (sco chi pera), s-chasso zieva.

drechien nun saien culpaunts da Paiær las spaisas fattas, incunter I la limitatiun dalg preschaint stratüt & las pars paun esser preschaintas saimp(er) à pigliær quint dals cuosts, & aque tuot suot paina cuntgnida in ls' præcedains & seguains stratüts da quaist fat.

Pæia dals Truaduors sur tuottas causas in ün di determinædas da cumpartir zieua la ratta alla fin.

Str(atüt) chia innua cun Dret plü causas in ün di uignen definidas alura daia in la fin dalg di duantær cumpartida dallas pæias dalla drachüra, da cumpartir seguond intraguidamaint dalg præcedaint stratüt sur tuottas causas in aquel di determinædas, hauiad respect alla qualitæd da las causas è chia ls' Truaduors nun daien manifestær lur salari infina alla fin, & alura daian è publichiær. lur salari auaunt las pars s'uessa auertamaing & separædamaing, è fær cumpartida in las causas (25) suot paina da lib(ras) 100 per scodün Mastræl & Truæder p(er) scodün dis. II Reformatiun dals srscr. stra-tüts dalla pæia dals Truaduors. p. 17.

II Paina dals Truaduors chi surpassen cun lur salari. Vide ilg 164 følg.

Scha lg Mastræl füs negligiaint à chiastiær⁴ la drachüra schi sun culpauns ls' hummens sur las pratchias dalg fær.

Str(atüt): innua chia lg Mastræl dalg cumœn füss negligiaint à chiastiær⁴ la drachüra cura ella surpassa stratüt cun la pæia schi daien ls' depütôs sur las pratchias cura ls vain assauair, fær banir lg cumœn, & lg' cumœn gniand insemmel dess chiastiær lg Mastræl & ls Truaduors lib(ras) 100. p(er) scodün dels scô süzura p(er) inmünchia giæda (e?)t las parts chi drechian daien acchüsær lg' Mastr. & ls' Truaduors cura à vezen ch(ia) els surpassen cun lur pæias lg' stratüt als depütôs sur las pratchias àtscho chia duainta executiun à chiastiær sco süzura. II Annullo pag. 6.

Chia la drachüra p(er) ün saimpel cuntschamaint à dær aint santinzchia nun daia prender ünguotta. I

Str(atüt): chia üngiüna drachüra ilg cumœn nun daia pigliær üngiüna pæia p(er) ün saimpel cuntschamaint arsaluô

⁴ Corregieu our da „chiatschær“.

Ig' salari dalg Nudær. sumgiauntamaing ne eir prender ünguotta p(er) dær aint ün qualchi sentinzchia tratta, salf la pæia dalg mess.

L's Truduors nun s'daien absantær dalg lœ dalg dret cura las
pars sun confirmædas cun amussaduors.

Str(atüt): chia innua in qualche lœ dalg cumœn la drachüra ais raspæda per arender dret intraunter alchünas parts⁵ & chia ellas pars sun p(er)uaisas cun amussaduors, alura daien ls' truaduors & lg' mastræl stær ilg lœ depütô dalg dret & nun s' arasær uidinô suot paina da libras 5 p(er) scodün d'els & inmünchia giæda bain bôd da scriuer aint ilg cudesch dallas fallas træs dær aint dalg mastræl zainza remischiu.

L's truaduors nun daien fær schlaftrunck in chiæsa dallas
pars curachia s'drechia.

L's truaduors cura è vain agitô⁶ ün qualchi differentia iuridichiælmaing suot els nun daien ir in chiæsa dallas parts ne à baiuer ne à mangiær par main sckiandel⁷.

8

(27) tiers, taunt d'affinitæd kô consanguinitæd nun daia dær pardütta incunter vöglia dalla part, à la quæla els nun pertignien, mû da quels grôs in·sü & plü inauous per cuntschintschä dalg dret. Mû frars intraunter se partieus oura paun eir intraunter se dær perdütta in tuot aque chi intraunter els cun dret vain tratto.

Chia la glieut dalg cumœn daia l'g ün cun lg ôter litigiær suot l's giüdischs dalg cumœn.

Scha ün qualchi dalg cumœn hauess dumanda incunter ün ôter eir dalg cumœn, aquel des drachiær suot la drachüra dalg cumœn ù innua la causa iudiciaelmaing ais commissa, & alô obedir è brichia utrô suot paina da florins 50. mezauns in danærs bluots nun præiudichiant ls' drets d'ünqualchi persuna.

⁵ „parts“ corregiu our da „persunas“.

⁶ Corregieu our da „agitâ“.

⁷ Ils pleds da „dallas“ infina „sckiandel“ sun scrits posteriur-maing da l'istess maun; il prüm eira scrit „da las“ impè da „dallas“.

⁸ Quia mauncha ün fögl inter = duos paginas!

Cun quaista declaraunza scha bain ün qualchi wschinaunchias in noas cumœn hauessan l'üna via l'ôtra ün quæl actiun in ciuil ù criminælas I chiôssas (pür chia lg' intyr cumœn sur punt ôta nun hægia interess.) chia daien fær cun dret & differenzchiær in noas cumœn zieua la solita fuorma paina ut sup(ra) Fl £ 50.

Da nun reuochiær utrô sentinzchia.

Da cumœn stüdi è voluntæd da tuottas las wschinaunchias da noas cumœn, siand tramiss ls' mess in palütz cun cumanda-maint dalg præscrit, in consideratiun dalla santinzchia tratta in la punt da chiamuæsck in lg' ann 1577 traunter ls zura & ls' zuot: la quæla tschunchia tuottas appellatiuns, è metta sü una paina pecuniæla ad aquels chi surpassen. Ais ordinô chia üngiün da noas cumœn nun daia reuocare utrû üna sentenzchia tratta in Engadina zura, ma s'cuntainta da quella suot paina da milli Δ 1 1000. per la prümma giæda & la seguonda paina la priuatiun da l'hunur.

Dalg nudær dalg cumœn.

(28) Str(atüt) chia üngiün ôter nudær poassa è daia s'in-trametter da lyr, scriuer ù seruir alla drachiüra in Zuotz siand lg nudær dalg cumœn aint in loe & innua chia lg nudær dalg cumœn nun pô seruir in tuot per ôter negocis, chia in tal cas poassa substituir ün ôter nudær in sieu loe & quel prender dauend cura chia el uoul, sumgiauntamaing pô eir lg nudær dalg cumœn laschær ün lotenent cura chia el uo our dalg cumœn cun authoritæd dalg reuochiær scô sü zura.

Chia lg nudær dalg cumœn saia culpaunt da ir in Tuor cun la drachiüra.

Cura la drachiüra criminæla uô in Tuor, ad handlagiær ù proceder cun ün quæl persuna apigliæda, chia alura bain bôd lg nudær dalg cumœn, da principi è saimp(er) da giæda in giæda daia ir in Tuor cun la drachiüra eir el, & aque suletta-maing per sckiuir uarias coniectüras è suspiciuns. I

Dals nudærs publicis in generæl.

Str(atüt) innua ls' nudærs publics vignien retscherchios ù træs lg' mess da cumœn banieus ù dallas wschinaunchias

uschya inauaunt chia els vaun in ün qualchi wschinaunchia dalg cumœn, à lyr ù scriuer, chia els saien culpauns da ir, è daien in tael mœd gnir paiôs chia els poassen seruir ad aquels chi maunglan lur ouwra suot paina per cuntschintscha dalg dret. Sumgiauntamaing cura lg cumœn maungla lg seruezzi d'ünqualchi nudær, alura scodün nudær retscherchiô ais culpaunt da seruir alg cumœn & lg cumœn da paiær tæls suot paina da ₣ 20 per scodüna giæda & ultra per cuntschintscha d'alg dret.

Dalla pæia dals nudær in generæl.

Elg ais statuieu, chia ls' nudær poassen prender par fær instrumains d'impainaschun per scodüna lgiwra mezauna ün imperiæl Ipl. I. Item da liberas venslas vensas per scodüna (29) libra mezauna ün imperiæl & myz impl. 1½ in danær bluòts & aque per la summa da libras systschient lib 600 & da quellas in sü per cuntschintscha dalg dret, scha nun s'cu-uignien intraunter els. Ma da ôtras scritûras publicas & instrumains da qualunque soart & d'immunchia contracts paun els prender lur salari honeist & moderædamaing per lur saramaint.

Reformatiun.

Tuot nudær in noas cumœn sun culpauns da scriuer scodüna vensa in bragamina per ₣ 30. è na plü chiær, è scha ella ais scritta in palpyri schi sun els culpauns da prender main & innua qualchün s'aggraues schi stetta in cuntschintscha d'alg dret. I

Da trær oura las imbreuiadüras.

Str(atüt): Chia scodün nudær poassen extrær oura tuottas imbreuiadüras chia els haun prains aint in fuorma publica è las parts allas quælas tael scritûras pertuochian paun gnir chiatschædas cun dret chia spendran ls' instrumains è scouder lur salari. Vain aschantô ün ann term, in lg quæl ls' nudær paun aratrær scodüna imbreuiadüra, zieua chia els las haun prainsas aint in publica fuorma, è las pars a chi p(er)uegnian chiatschær che els las prendan & spendran, ma nun las ratriand in dit term schi nun las paune alura retrær zainza

voluntæd dallas parts, & scha zieua lg' dit term els las ratraissen zainza voluntæd dallas parts schi nun ls' sune culpauntes üngiüna mertsche.

Dals mess da cumœn lur officis & obedientia.

Str(atüt): chia cura s uøglia ünquæl mess da cumœn in tuot lg cumœn uain retscherchiô & ais asgiürô per sia pæia chia el ün qualchi banida ù comandamaint ù mess per tuot lg cumœn fatscha: alura daia el â scodün seruir taunt eisters kô terrirs suot paina da Ȣ 20 in danærs (30) bluots. Et scodün mess da cumœn ais ubliô da banir lg cumœn per Ȣ 16. per fats dalg cumœn sulettamaing. Et cura s'vøeglia lg' mess da cumœn retscherchiô & auisô scô sü zura nun uules ubedir ù seruir scô sü zura scrit stô ù s'azuppas scha el füss tscherchiô daia gnir chiastiô per Ȣ 20 scodüna giæda innua chia el nun cumparess bain bôd auaunt lg' mastræl cun la persuna chi lg tscherchia & fatschessia schchiüsa, & à scodün mess daia gnir dô sia pæia per cuntschintscha d'alg dret moderæda, hauinand respet saimper à la sia fadia. Et ls' mess nun daien arastær in ls' cusalgs cura chia duainten santinzchias suot la srscr. paina.

Scha ls' mes da cumœn pigliassen sü da fær ün quæl banida.

Str(atüt): chia cura ün qual mess pigliess sü da fær ün qualchi banida saia dalla fær alg cumœn ù ad una ôtra persuna; chia alura daia el suessa la fær, è na træs ün ôter, & scha qualchün cuntrafasches schi daia el gnir chiastio per libras 12 in danærs bluots & ultra per cuntschintscha dalg dret & eir tuottas spaisas da dret per scodüna giæda & persuna !

Dals mess da saunck.

Str(atüt): chia ls' mess da saunck saien ubliôs da seruir alla drachüra da saunck in Zuotz, per tuot lg' cumœn in tuot aque chia la drachüra ls cumanda in Tuor & our d'Tuor: arsaluô alla barlignia nun sun els culpaunts ôter, kô metter sü & prender dauend las schkiælas. Cun paick chia scodün mess da saunck dintaunt chia el serua daia hauair per sias spaisas Ȣ 16. per scodün di. Et innua chia in tal chiosas seruissen

ünqualchi chiôsa ultra lg tenur da lur instrumains alura daien els gnir paiôs par cuntschintscha dalg dret.

Dals giürôs & kô s'daien purtær chiüsas.

Str(atüt): Chia scodün giürô & tuots quels chi haun lg saramaint dalg cumœn saiен ubliôs da referir tuot excess chi duantassen incunter lg stratüt dalg cumœn per sapchüda & per udida alg mastræl dalg cumœn in Zuotz. nudær, mastræl da Samædan & ad inmünchia truæder depütô in Zuotz bain bôd infra oaick dis zieua chia el hô udieu tael excess ù sauieu & scodün chi p(re)teris è nun saluess daia gnir chiastiô⁹ in la rôba & hunur per cuntschyntscha dalg dret zieua la qualitæd dalg fall¹⁰(31) & lg mastræl dalg cumœn inmediædamaing chiastiær taunt ls excess referts, kô lg¹¹ ls' giüros chi nun referissen sco sü zura. Ma moarders, spargiürs, stermaduors è chiazers daien gnir acchiüsôs brichia per udida mû per sapchüda. Milgs inauaunt tuots maschkiels chi sun peruegnieus alla ætæd da ans saidesch dico 16 ù quel tymp haun passô daien gnir tgnieus per giürôs dalg cumœn.

Dalg t'sch'santær chüsas.

Str(atüt): Chia in tuottas chüsas træs ls' giürôs dalg cumœn purtædas ù ôters alg mastræl, nudær, ù ad aquels chi dependen in dret, poassan legitimamaing gnir tschsantô in mœd scô ilg sequenti¹² stratüt vain declarô: chia scha intrawgnis però chia ünqualchi acchiüsô nun vuless stær alla quærella ma fadsches mantir tael acchüsæder saia ün ù plüs auaunt lg dret, aquô alura daia lg mastræl bain bôd træs lg' mess fær clamær auaunt dret tael acchüsadur à fær sia schchüsa & scha el s' aschiüsa, schi daia lg acchüsô I ù culpaunt gnir chiastiô per libras XV mezaunas è cundanô per tuot las spaisas dalg dret & ultra per cuntschintscha dalg dret. Schi nun bricchia chia lg acchüsadur nun s' aschiüsas cun dret è legitimamaing; alura daia lg mastræl dalg cumœn mnær plaunt incunter aquel acchüsadur & lg' chiastiær lib. 20 &

⁹ Corregieu our da „chiastiâ“ (u „chiastiât“?).

¹⁰ „dalg fall“ corregieu our da „dala causa“.

¹¹ „lg“ s-chasso.

¹² „sequenti“ corregieu our da „seguaind“.

ultra per cuntschintscha dalg dret, zieua la qualitæd dalg fal, sumgiauntamaing eir tuot dans & spaisas purtær oura dalg innozaint.

Scha füssen stôs preschaints ad unquæl exces plüs giürôs.

Str(atüt): innua füssen stôs allô plü giürôs ad ünquæl exces alura sun tuots aquels insemmel culpaunts da deferir tael exces ainfra oaick dis per lur saramaint sco sü zura, suot paina dabain & hunur zieua la qualitæd dalg fal et excess. Declarand milginauaunt¹³ chia innua dick una part dals giürôs chi sun stôs preschaints, hauessen purtô la denuncia, chia ls' ôters, ù ün sulet dals acchiüsaduors saia licit scha las parts (32) s'aggradessen da reprobær aquella tal denuncia, che ls' ôters ù ün è tschsantær la perdütta da lôtra part dals giüros, chi nun hauessen purtô la chiüsa per cuntschintscha dalg dret. Quel chi hô schchiüsa zieua stratüt scô truæder nun eis ubliô da purtær chiüsas.

Chia træs suspiciun üngiün nun daia gnir clamô in dret ù chiastiô.

Str(atüt): chia üngiün hustyr, ne eir üngiüna hôtra persona dalg cumœn, scha ella nun ais acchiüsæda, ù chia lg' dret nun hægia ünguotta aintamaun, sur ün quæl fal ù surpassamaint incunter stratüt, poassa træs lg mastræl dalg cumœn gnir clamô in dret sulamaing træs suspiciun, suot paina da esser anullô.

Scha ünqualchün vules fær chiastiær ün ôter.

Str(atüt): chia cura ünqualchiün auises lg' mastræl chia el chiastias ün ôter: alura tael chi uschya auises daia gnir per ls' cuosts, & alura scha quel retscherchiô cun dret us'chiatte innozaint schi daia aquel chi hô auisô drizær oura tuottes spaisas zainza dan dalg cumœn. |

Dals Commissaris in differenzchias.

Str(atüt): chia ls' commissaris als quæls uignien commissas da drizær oura differentias, daien attender alla commischiun à si dæda & quella nun surpassær, & tael differentia

¹³ „milginauaunt“ agiunt posteriurmaing.

bain bôd & sün las main spaisas chi duantær paun per lur saramaint de finir.

Cumanda ù abinamaint cura ella hægia effect.

Anno 1596 mense februario træs cumœn grand in Zuotz araspô uain ordinô & declarô che inqualungue differenzchia chi uain commissa saia licit alla part aggrauæda in term de ün mais zieua che elg ais fat lg arbitramaint ù cumanda, da dumandær suruaissa ourauaunt, scha ella uoul prodür unquælchiosa da nœff & passô aquel term, che ne l'üna ne l'ôtra part hægien plü actiun ne suruaisa sü sura, ma passa zobber net zainza ôter iudichiær.

A chi persunas et in che mœd uignia concedieu Bistants.

Str(atüt): chia ad üngiüna persuna da noas cumœn chi hô legitima (33) ætæd daien cun dreis gnir strits pistants ù per chüraduors, arsaluô aquels da pitschna æted ù oarphans, vaidguas priuôs da qualchi sentimaint ù fullastyrs, molestôs & zuond vilgs, als quæls daia gnir concedieu bistants saimper zieua lur maungiel per cuntschintscha dalg dret.

Che persunas poassen gnir strittas bistands et quaunt inauaunt.

Str(atüt): Chia üngiüna persuna nun poassa gnir stritta cun dret in parchiüradur u' bistand incunter ünqualchi part chi að ella saia proassma in lg' terz grô, taunt d'affinitæd kô consanguinitæd, ù plü ardaint. Sumgiauntamaing nun pô eir üngiün gnir striit bistant da ir our dals cuffins da noas cumœn. Scha ünqualchün nun lg vules da vœglia lg' fær. Et træs aquaist stratüt s'dô ad inclyr chia nun vain per üngiüna via derogiô alla chiarta dalla lia. Vain ordinô chia üngiün hustyrs dalg dret in che wschinaunchia saia nun daien ne poassen gnir constrits bistands ù esser procuratuors d(al)las parts | pag. 6.

Dalg Dret spírituæl.

Statieu ais è che üngiuna drachüra seculæra dalg cumœn¹⁴ nun poassa judichiær in causas matrimoniælas ma

¹⁴ Ils duos ultims pleads agiunts posteriurmaing.